



● EDITORIAL ● RĀL VĒNGTU ● CHHŪNGKAW CHANCHIN

- ◆ Lay Leaders' Training vawi 183-na khār a ni
- ◆ Missionary tūr la thar
- ◆ Synod Committee/Board Meeting

RNI 68092/83 Regn. No. N.E. 1024

From
Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVIII

No. 374

E-mail : synodnews@gmail.com

NOVEMBER, 2014

CAMPUS MINISTRY - Zirlaite zînga rawngbâwlna

*Rev. Lalchungnunga
Director, Campus Ministry*

1. Campus Ministry chu engge ni?

Campus Ministry hi Kohhran pāwl hrang hrang thliar lo va, zirna in luhchilh zâwnga rawngbâwlna a ni a. High School alanga University zirlai leh zirtirtute hnêna rawngbâwl tûra buatsaih a ni. Pathian thutaka \hanna hrang hrang, ram hmasâwnna leh khawtlâng nun danglam zêla zirna School, zirlai bu leh School boruak \ha hmanga tleirâwl leh \halaite kawng dik kawhhmuhna, *moral* leh *ethical values* siam\hatna leh thiamna dik leh dik lo inkawhhmuh nân te, ram leh hnam tâna mawhphurhna inhriattîrna hmanrua atân te, Kristian nun dik an nun pui theih nân leh Kohhran hmanga thianghlîmna kawng an zawh theih nân te, Biak In lam hawi lote luhchilhna remchâng atân te, kan hnam nun leh Kristianna kawngah pawh min tipumkhat tûr zâwnga min hruai lûtta a nih beiseia he Ministry hi Mizoram Presbyterian Kohhran Synod-in a din a ni.

2. A lo din \an dân

He rawngbâwlna hi Aizawl Chhim Presbytery rawtna angin Synod 1989 Thurêl 30-na chuan a lo pawm tawh a; mahse, Pastor indaihlohna avângin kalpui lawk a ni lo va. Kum 2006 khân Rev. K.M. Vanlalpêka chu Co-ordinator-a ruatin rawngbâwlna \an a ni a, \ha takin kum hnih (2007 thleng) a thawk a. A kum leh 2008-ah Rev. R.C. Nghâklîana ruat a ni leh a, kum khat a thawk a, Pastor indaihlohna avâng bawkin kum 2009 - 2011 chung khân kalpui a ni ta lo va. Kum 2012 alangin Rev. V.L. Krosschhuanmawia chu ruatin he rawngbâwlna hi kalpui thar a ni leh ta a. Ani hian chak taka hmâ lain rawngbâwlna pawhin hma a sâwn hle a; kumin 2014 April thla lai hâwl (Director tharin hna a zawm) thleng khân a thawk. Kum 2013 Synod:71-in *Guideline* thar siamin SEC Sub-Committee puitlingah, Budget pawh mahnia siam ve tûrin a hlang kai a. Senior Executive Secretary kaihhruaina hnuaia Office enkawl tûrin thawktu pathum Director, Outreach Worker cum Counsellor leh Office Assistant te awm tûrin a ruat a. Tunah hian O/A hi kan la nei lo. He rawngbâwlna enkawltu tûr Committee siam a ni a, Chairman atân Executive Secretary i/c Campus Ministry, Secretary-ah Director, kum thum (term khat dang ruat nawn theih) a ruat a. Committee Member chu SEC ruat tûrin a dah a. SEC:250 (47) Feb. 24-26, 2014 khân kaihhruaina thar zuiin Committee Member thar pariat *SEC term* zui tûrin a ruat a.

3. Campus Ministry Committee

Chairman : Rev. Lalzuihanga (Sr. E/S), Synod ruat
Secretary : Rev. Lalchungnunga (Director), Synod ruat
Member te:

- (1) Upa Lalthanzâma, Dâm Vêng
- (2) Rev. Dr R. Lalbiakmawia, Vênglhui
- (3) Rev. Zosângliana Colney, SMTC
- (4) Rev. Dr. C. Lalhlîra, ATC
- (5) Rev. Dr Lalchungnunga, Zârkawt
- (6) Upa C. Ngûrthantluanga, Khatla
- (7) Upa Chhâwnvunga, Mission Vêng
- (8) Rev. K. Lalhangmawia, Chhînga Vêng.

4. Thawktu te

Director: Rev. Lalchungnunga, Phone: 8974246641

Outreach Worker cum Counsellor: Tv. C. Lalremruata,
Ph 9856883377

5. A thiltum

Zirlaite hnênah Isua Krista chhandamna thutak hriattîra, a zirtîrna leh a nunzia te pawma amah leh a Kohhran ho rawng an bawlsak theihna tûr leh Kristian nunze \ha leh ngaihhlut zâwng dik mila an nun theih nâna zirlaite zirna tluantling neihtîr chu a tum a ni.

Thiltum tihlawhtlin nâna hma lâk dân tûr:

- (1) He thiltum tihlawhtling tûr hian, zirlai kum leh dinhmun a zirin, hêng - thlarau lam, Pathian thu lam, Chanchin | ha hriattîr leh ngaihthuahna ril te hmanga zirlaite hnên thleng phâk rawngbâwlna kalpui.
- (2) Zirlaite nun nghawng thil bik awm apiangte thlang chhuaka sut kianpui tûrin thiamna bik nei mite hman \angkaia Bible study, sermon, campaign, retreat, consultations, seminars, training, orientation programme, workshop, career guidance leh counselling te neih thîn.
- (3) Hêng ruahmanna leh programme te a lo hlawhtlin theih nân zirna in hotute, zirtirtute leh zirlai hruaitute \awiwawmna zawn \hin.
- (4) Hêng thil hlen chhuahna kawng thawh dânah pāwl leh Kohhran bik thliar hrang lova hma lâk thîn.

6. Rawngbawl tûra sawm dân

Office lam alanga Programme duan a awm loh pawhin, Campus Ministry rawngbâwlna mamawh apiangin lehkhain Senior Executive Secretary or Director, Synod Office-ah sawmna thlen mai tûr a ni e.

Students' Helpline kalpui mêk a ni a. A number chu 9856883377 a ni a, 24x7 hrs. duty a ni. Call free a nih loh avângin call lêt mai theih a ni. SMS pawh \halai lamin an hman \angkai hle.

Students' Helpline-ah hian zirna kaihhnawih bâkah, nuna harsatna eng pawh zawh a remchâng vek a. Ngaih zâwng nêna inkâr buai te, Sex-a harsatna nei te, chhûngkhat laina hna, etc ten an lo khawih chhiat avânga rilru hrehawm te, \hiant/chhûngte, etc nêna inkâr boruak \ha lo, nu leh pa zu in te, pa hrawn leh nu hrawn avânga harsatna te, school-a harsatna chi hrang hrang - lehkhazirna, zirtirtute nêna inkâr \ha lo leh carrier guidance mamawhten eng lai pawhin a biak pawh theih reng a ni. Taksa lama harsatna \henkhat Doctor rawn hrehawm baw si thilah te Doctor rawn sakina a \ul anga an bawhzui dân tûr ngaihthuapui \hin an ni baw. Pathian thu lama harsatna te, rilru hahna leh beidawna chi hrang hrang te avânga harsatnate kan neihin he Helpline-ah hian biak theih reng a ni.

Phek 2-na ah zawm a ni...

SYNOD Newsletter

EDITORIAL STAFF

Rev. K. Lalpiangthara (LPT)
Rev. Thangzauva (TZ)
Upa H. Ronghaka (HR)
Upa Khawlungnunga (KCN)

Editorial

HMING

Mi tin hian thil dang zawng aia mâwi kan tih ber chu mahni hming hi a ni a. Mi an rîk nuaih nuaihna kârah pawh kan hming chu fiah takin kan hre thei \hîn. Hetiang a nih avâng hian kan hming anpuite thlengin kan ngaina a, an khua leh vêng chenin kan hre awl bîk \hîn. Kan hminga min ko thei tûra kan beisei lêm lohten min han koh nalh te hian a lâwmawm duh hle \hîn a, Pastor leh Upa zîngah pawh hian fel kan tih chu kan hminga min ko theite hi an ni tlângpui. Berampûte tân pawh berâmte hming hriat hi thil pawimawh tak a ni.

Tu hming pawh hian lam dân dik leh ziah dân dik a nei vek a. A dik lova inziahsak emaw inlamsak emaw chu a huatthlala thei \hîn. Tin, mi \henkhatin koh duh dân bîk kan neih lêm loh laiin \henkhat chuan koh duh dân bîk riau an nei a, an duh loh anga kan koh chuan lung lovah an la thei bawh. Chuvângin, kan hriatsa loh mite chu koh an duh dânte pawh inzawh \hîn a \ha. Ni tin School-ah leh Sunday School-ah te pawh hming kan lam \hîn a. Hêngah te hian a lamtu tân fîmkhur hle a pawimawh. Kan telna ngei âwm nia langa kan tel loh palhte hian rilru a na vawng vawng thei a; chuvângin, mawhphurtu tân fîmkhur hle \hîn târ a ni.

(Hming phuah hmasa bertu - Pathian, a hming phuah - Adama. Hming hi mihring kan inhriat hrian theih nân leh kan inpawh (communicate) nâna Pathian min pèk a ni).

PRESBYTERIAN PASTOR NUPUIE INTAWHKHÂWM

October 16, 2014 khân Pi Zaii Hall, Synod Conference Centre-ah Presbyterian Kohhrana Pastor leh Pro. Pastor Nupui Intawh khâwm vawi 36-na neih a ni a, Pastor nupui mi 120 vèl an tel thei a ni. Speaker atân Rev. Vanlalbêla an hming a, thupuih 'Bâng lovin \awng\ai rawh u' tih an hming.

Kum tin intawh khâwmna hun hi hming \hînin mi thiamte ruaiin thuchah ngaihthlâk bâkah thupui thlan bîk paper-te an zir ho \hîn a, an pasalte rawngbâwlna an lawiâwm theih dân tûr leh Kohhran tâna theihtâwpa hma la tûra infuihna hun te hman a ni bawh \hîn.

Campus Ministry chhunzawmna...

Helpline hmingtute chuan hming leh vêng sawi kher a ngai lova. Amaherawhchu mahni nihna - mipa/hmeichhia, kum zât, zirlai tân class zât, mahni harsatna tawi fel, chiang takin sawi \hîn tûr a ni.

Eng emaw avâng HIV/AIDS kai inringhlelte tân tu ma hriatpui lohvin an mamawh ang zêlin thisen pawh kan test-pui thei a. Tu ma hriat loh tûrin an hming leh vêng pawh thup tlat \hîn a ni. Counselling pawh kalpui zêl a ni a. Zirtirtute nêna inrâwn tlânga kalpui mêt a ni a. Zirtirtute leh nu leh pate hriat miah loh pawhin Counselling pèk theih a ni bawh.

7. Counselling Room

September 10, 2014 khân Counselling Room, Chawnga Road, Khatla (Khatla Kohhran Hall hnua)-a kan neih thar chu Synod Modeator Rev. K. Lalhmuchhuaka'n Pathian hnêna hlânin a hawng. **Hetah hian kâr khatah ni thum - (Thawhlejni, Ningani, Zirtawpni zêl) chawhnu dâr 1-4pm chhûngin Counselling tih theih reng a ni e.**

8. Rawngbâwlna tlângpui report

Kum 2012 January a langa 2014 October thleng khân School leh College tlawh tawh zât chu 111 a ni a, zirtirtu mi 3,077 workshop

neihpui an ni tawh a, Helpline hmingtu 3,306, Outreach counselling mi 429, thisen test pui 10 chuang an ni tawh bawh.

School leh College te tlawh bâkah hian Seminar, Retreat, Campaign kalpui reng a ni a, hêngah te hian hmâ lâk mêt a ni bawh:

1. Value/Moral Education, School zirlaibua telh dân chungchângah mithiam te sâwm khâwmin Class I a langa Class XII zirlaibute zirchian a ni a, Moral Education lam Text bu-a telh dân chungchângah leh zirtir dân tûrah Education Department te nêh hma lâk mêt a ni.
2. Zirna siam \ha tûra hma lâkna atân, "Zirnaa Nu leh Pa/Kohhran/Khawtlâng Mawhphurhna" tih thupui hmanga Campaign kalpui mêt a ni.
3. Zirlaite an zirnaa sâwt zâwk leh awmze neia an zira, an hmahlîr tih zau nân "Career Guidance" Booklet buatsaih mêt a ni.
4. Social Network lamah Zirlai/|halai te an inhmang tam ta hle a, he lam luhchilh zâwng rawngbâwlna kalpui \an mêt a ni a, amaherawhchu hmanrua leh thawktu lama phuisuinain a la tihchangtlun zêl tûr a ni ang.

Campus Ministry hi hêng avangte hian biak pawh theih reng a ni-

Email- campusministry123@gmail.com

Facebook- Campusministry Mizoram

WhatsApp & Student Helpline - 9856883377

HRIATTIRNA

1. 'Reverend' lamtawia 'Rev.' hman thu

Rev. David T. Lhouvum, Senior Administrative Secretary, Presbyterian Church of India (PCI) chuan PCI Executive Committee-in a rêl angin, 'Reverend' lamtawia 'Rev.' tih hman tûr a ni tih min rawn hriattir.

2. Puitling Sunday School zirlaibu, mi dangin an lo ziah ve chungchâng

Puitling zirlaibu atâna thlan vâng ni kher lova Hrihfhahna Bu râwn tûr leh khaihkhin tûr awm sa chu a \ha a ni thei e. Sunday School zirlaibu ziak tûr hian MSSU Committee-in uluk takin mi a thlang \hîn a, mi ruatten an ziak

chu Text Book Cell/Editing Cell-in uluk takin an lo endik leh \hîn a ni. Chutiang chu a nih avângin hemi hrûla zirlai puitu tih ang vèla mi dangin sumdâwnna ang titiha kalpuia an lo ziak \hîn hi a \hatna lai awm bawh mah se, zirtirtu leh zirtute tân thil buaithlâk awm palh thei a ni a. Synod Officers' Meeting chuan hetiang hi tih loh atân a \ha a ti.



(UPA H. ZOLIANA)

Secretary

Mizoram Presbyterian Kohhran

LAY LEADERS' TRAINING VAWI 183-NA KHÂR A NI

Synod Multipurpose Training Centre (SMTTC)-ten October 20-24, 2014 chhûnga Lay Leaders' Training Vawi 183-na Synod Conference Centre-a an buatsaih chu October 23, 2014 khân khar a ni a, Synod Moderator Rev. K. Lalhmuchhuakan thuchah sawiin training chhuakte certificate a hlân.

Tûn \um Training-ah hian Presbytery paruk a langin Kohhran Upa 42 an training a, Kohhran inrêlbâwl dân leh inkaihhraina dân te an zir a ni. SMTTC hian Lay Leader Training hi vawi 183 buatsaih tawhin Upa 5846 an train chhuak tawh a ni.

Chanchin | ha kawltira awm tûrin Pathian \ha tih mi kan nih ang ngeiin, mihring tilâwm tûr ang ni lovin; kan thinlung fiahtu Pathian tilâwm zâwkin thu kan sawi zâwk \hîn a ni. -I Thessalonika 2:4

Râl Vêngtu

Thlasik boruak zâm chiai chiai kârah pavalai leh nuvalai sâwm zet tûr hian Râl Vêngtu vên bûk an pan a. An thlen hnu chuan dârkâr khat dâwn lai hlim takin an inkâwm a, Krismas hmang tûra an inbuatsaih dân hrang hrangte an sawi liam liam hlawm a.

Râl Vêngtu chuan ding meuhvin, "Krismas lo awmna chhan hi kan tâna Pathian meuh a inbunruah vâng a ni a. Chuvângin, a awm chin pawh ngaihtuah rêng rêng lovin sum ûmna khawvêlah in lo tlân palh ang e. Thlarau lama hlâwk tumna rilru pu si lovin, sum lamah leh tisa khawvêl lama inthun khah tum zâwng ringawta in inbuatsaih chuan a *result* a chhe khawp ang. Nausên Isua rilru lâwmpui zâwngin Krismas atân in lo inbuatsaih dâwn nia," tiin thuchah ropui tak a sawi a. Thuchah tihhlawhtlin tumna rilru nêan an lîn ta diah diah a.

HRIATTIRNA

UID leh ZU chungchâng lehkhabu lâk theih: Tûnlai hian Biometrics Census neih mêk a ni a. Mi vhenkhat ten sakawlh nêan an sawi zawm avângin Kohhran mi vhenkhatte min tibuai deuh a ni awm e. Synod Revival chuan UID chungchâng zir chianna leh zu chungchâng zir chianna Seminar neiin a buin a tichhuak a. Synod Revival Office-ah a thlawnin Kohhranhote tân a lam theih tih kan inhriattîr e.

Synod buatsaih Camping hmasa ber: Synod inkhawmpuiin a rêl angin December ni 8 - 14, 2014 chhûng hian mamawhtute tân Synod chuan Synod Revival Camping Centre, Neihbawi-ah Camping a buatsaih dâwn a. He Camp-a lût duh tûrte chu mahni awmna Kohhran Secretary hnênah in report tûr a ni. Kohhran Secretary in a hlâwmin Synod Revival office-ah a thlen ang a, November thla ral hma ngeiin pêk luh tûr a ni a. |um khat Camp-ah mi 200 bák seat kan pêk theih dâwn loh avângin a lût duh tûrte chu a hma thei angin inhriattîr tûr a ni. Kohhran Secretary ten an report hmasak apiang dah pawimawh hmasak a ni ang.

www.mizoramynod.org

SYNOD HOSPITAL, DURTLÂNG SEPTEMBER, 2014 CHHUNGA THILPÊK DAWNTE

I. CHARITY FUND

1. K P, Zawlnuam huampui Vêng	2,000
2. Lungdai Kohhran	1,000
3. Pu Lalnunsânga, Durtlâng Kâwn Vêng	1,000
4. Luangmual Kohhran	10,000
5. Keifang Vêngthar Kohhran	5,000
6. Lalvênhima, Durtlâng Mêl - 5	1,500
7. C. Rinpui, Durtlâng Mêl - 5	2,000
8. Republic Vêng Bial Kohhran Hmeichhia	20,000
9. Upa B. Lalrinkima, Govt. Complex	1,500
10. Dr. Rebecca Lalrintluangi, UCC, Barapani	5,000
11. Evangelical Nurses Fellowship, Synod Hospital Unit	24,000
12. Upa Thanghluama leh a chhûngte, Bairabi North	500
13. Hmunhmêlha Hunthar Kohhran, Champhai Kahrawt Bial	5,000
15. Pu B. Lalzela, Vênghlui	10,000
16. Zehtet Kohhran	1,000
17. Zothankhuma, Zarkawt	2,500
18. Unknown	1,000
19. Unknown	1,500

II. THISENPE TE

1. K P Branch, Central Jail Vêng Kohhran	18	Units
2. Higher Secondary School, Durtlâng	36	Units

PEK ZÂT

18	Units
36	Units

3. K P Branch, Republic Vêngthlang, Aizawl	32	Units
4. Govt. J. Thankima College	115	Units
5. K P, Vêngnhuui Bial	48	Units

III. THILDANG PE TE

1. YMA, Durtlâng Branch, Kum 78 an tlin lawm nân Grace Home-a ei tûr sa lei nân	10,350
2. Zamuang Pastor Bial - Grace Home tân	5,000
3. Tlângnuam Kohhran Hmeichhia, Grace Home tan Bedsheet leina	7,000
4. Pu Zohlupua, North Vanlaiphai Vênglai Hospital tân	15,000
5. West Phaileng Dinthar Kohhran Pavalâi Pâwl	hutthlengsei 5 Nos
6. Chhiahtlang Kohhran Pavalâi Pâwl	hutthlengsei 4 Nos
7. H. Lalhmachhuana, Châltlâng Lily Vêng	Naupang Ward tan Water Filter 1
8. Depuy Company, Kolkata	MOT tân Vending Machine

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtîr a, Hospital mamawh tam tak min phuhrûksak bawk a ni.

Sd/- REV. R. RAMDINMAWIA
Chaplain (Sr.),
Synod Hospital, Durtlâng

PATHIAN THU ZIR DUH TÂN

Presbyterian Bible School, Mission Vêng, Aizawl-ah Session 33-na atân Certificate in Theology (C.Th) Admission hawn a ni a. Admission form hi office hun chhûngin ` 10 a lei theih a ni a. December 11, 2014 (Ningani) tlai dâr 3:00 thleng dilna thehluh theih a ni ang.

Dil thei chin	: Class VII passed, kum 16 chin, Kohhran dân chhûnga awm
Interview	: December 18, 2014 (Ningani) chawhma dar 10:00
Class lan hun	: January 13, 2015 (Thawhlehi)
Zir hun chhûng	: January - April, 2015
Stipend	: Zirlai pakhat hnênah thla rin ` 500 pêk a ni ang. Hostel a awm lo.

Hrechiang duh tân Phone No. 8575308007/23174343/2350082-ah zawh theih a ni.

Sd/- Rev. R. Lalêngmawia
Principal

P.C. GIRLS' SCHOOL DAY VAWI 11-NA HMANG

October 15, 2014 khân P.C. Girls' School chuan School Chapel-ah School Day Vawi 11-na lawmna hun an hmang a, zirtîrtu leh zirlai naupangten items chi hrang hrang nêan hun an hmang a ni.

P.C. Girls' School-ah hian Class A alanga Class VIII thleng zirna a awm a, section 16 a awm. Kum 2014 hian zirlai 453 leh thawktu 37 an nei mêk a ni. He school hian lehkhâ thiamna mai bâkah music te, Pathian thu leh kut themthiamna thil tam tak an zirlaite an chhawm chhuahtîr vîn a, hei hi an danglamna leh an hlutna a ni.

RETREAT

November 7-9, 2014 khân Home Mission North Retreat, Mamit Kohhran Biak Inah neih a ni a, thupuih 'Ka thlarau zâwkin le' (Zak. 4:6) niin Speaker atân Upa Dr. L.N. Tluanga, Mission Veng an hmang. Rev. V. Lalkima Mamit Bialtu Pastor-in Bible Study 'Tirhkohte Thiltih' a zirpui vîn bawk.

MISSIONARY TÛR LA THAR

October 28, 2014 khân Synod Mission Board chuan kum 2015 chhûng missionary (Evangelist, Evangelist Teacher, Staff Nurse, Health Worker, Craft Teacher, Office Assistant) tûr a la thar a, diltu 459 alangin 119 lâk an ni a, waiting list-ah mi 30 an awm bawk.

Missionary lâk tharte pual hian November 10-28, 2014 khân Orientation Training, Mission Veng Kohhran Hall-ah neih a ni.

PRESBYTERIAN WOMEN FELLOWSHIP (PWF) 15th BIENNIAL CONFERENCE

October 24-26, 2014 khân Presbyterian Women Fellowship (PWF) 15th Biennial Conference, Churachandpur, Manipur-ah neih a ni a, thupuih 'Rise up and Build' tih an hmang.

Conference-ah hian Pi H. Lalpianthangi, General Secretary leh Dr. Lalrindiki Ralte, ATC Lecturer-ten Pathian thuchah an sawi a, Pi C. Lalneihthangi, Treasurer leh PWF Standing Committee-in Bible Study a neihpui bawk.



Falkawn Kohhran (Muallungthu) chuan Dt. 6 - 21, Sept. 2014 chhûng khân Synod Revival Speaker, Pu Lalremruata, The Living Hope Ministry ruaiin Camping chhâwng thum leh Naupang Lâng Camp an nei a. Campers 192 leh naupang 147 an lut a, Kohhranho ten an hlâwkpu hle.

Tuithiang Kohhran chuan Dt. 20, Sept. a langa 8, Oct. 2014 chhûng khân Pu Lalhantluanga, Krista Thuhrlitu Team ruaiin Crusade leh Camping, Naupang Lâng Camp nêan an buatsaih a, campers te Pathian Thlarau Thianghlim pâwl tharna changin hlim takin an chhuak a, lâwmawm an tiin Kohhranho pawh a chawk harh hle a ni.

Kawlbêm Kohhran chuan Sept. 19 a langa Oct. 8, 2014 chhûng khân Pu Lallâwmzuala Pautu, Kros Fate Team ruaiin camping chhâwng li an buatsaih a, mi 397 lai an lut. Kohhran bêl ngai tawh lo te leh ruihhlo ngai ten Thlarau Thianghlim tihhartharna changin an chhuak a, he Camping-ah hian Kohhran dang a langing mi 75 an lo lut ve bawk. Pathian chawimawi nân mi hahnemngâiten bâwng pahni leh pawisa ` 40,000/- lai an thawkhâwm a. Dt. 8.10.2014 khân Pathian chawimawiin hlim takin tisa leh Thlarau lam ruai an \heh a ni.

Vairengte Hmâr Vêng Kohhran chuan Pu Lalsângzuala Ngente, Ebenezer Revival Team Speaker ruaiin Dt. 22 - 28. Sept. 2014 chhûng khân Crusade leh Lâng Camp an buatsaih a. Team member pahni hnên a langing tihdam rawngbâwlna neih a ni bawk a. Tihdam rawngbâwlna hi mi 200 chuangin chhimin an dampui hlawm a ni. Kohhran ten he Crusade hi an hlâwkpu hle a, chhimtu mi 200 a langa 300 vél an awm reng a, Thlarau Thianghlim pâwl tharna an chang nasa hle.

Zote Kohhran, Champhai chuan Dt. 10 - 18, Sept. 2014 chhûng khân Counter For Christ Ministry Team Speaker Tv. Vanlalsailova ruaiin Chhandamna Camping chhâwng hnih an nei a, piantharna leh siamtharna chang eng emaw zât an awm a, Kohhranho ten an hlâwkpu hle.

Madanriting Kohhran, Shillong chuan Dt. 20.9.-5.10.2014 chhûng khân Upa Lallâwmsânga, Agape Gospel Team Speaker ruaiin Gospel camping chhâwng hnih neih a ni a. Campers lut zawng zawng 233 ten Pathian Thlarau Thianghlim pâwl tharna duhawm tak an chang \heuh va. Pathian Biak In thleng pha tawh lo mi eng emaw zâtin Pathian lam an hawi leh ta bawk. Camper zingah hian Presbyterian Kohhran bakah Baptist, UPC, Roman Catholic leh pawl dangte an tel bawk.

SÂWMNA

Harlongsora Kohhran, Jengkha, Karbi Anglong chuan January 15, 2015 hian an Kohhran Silver Jubilee lawm an tum a. Harlongsora-a Missionary lo ni tawh zawng zawng leh sum leh paia lo lanpui tawhtu zawng zawngte he hun hmanpui tûr hian an sâwm.

New Chalrâng Presbyterian Kohhran chuan January 10, 2014 (Inrinni) hian Biak In hawn an tum a, he hun hmanpui tûr hian New Chalrâng Kohhrana lo lawi tawh zawng zawngte tel tûrin an sâwm.

SYNOD ENDOWMENT FUND PETUTE LEH PÊK ZÂT (wef 1 - 31 October, 2014)

Kohhran hming	Pêk zât (`)
Chawnpui Bial	500
Falkawn Kohhran	1,000
Chawhmun	5,000
Khawzawl, Dinthar	5,000
Hrianghmun	2,000
Tuithumhnar	1,500
Chiahpui Kohhran	5,000
Total	20,000

AIZAWL THEOLOGICAL COLLEGE : DURTLANG: MIZORAM

ADVERTISEMENT FOR COURSES OF STUDY

Aizawl Theological College chuan kawng hrang hrangin hma a sâwn zêl a. Tûnah hian Bachelor leh Master Degree-te mai ni lo, Doctoral degree thlenga zir theihna a lo ni ta.

Awm chilha zir theih te (Internal Residential Courses)

- Bachelor of Divinity (B.D.) kum li chhûng zir - BA leh a thlukpui leh a chung lam tân
- Master of Theology (M.Th.) kum hnih chhûng zir - BD Second Class (B Grade a pass) chin leh a chung lam tân - Old Testament, New Testament, Christian Theology, Religions, History of Christianity & Missiology
- Doctorate Degree- M.Th. (B Grade a pass) chin leh a chung lam tân - New Testament; Christian Theology; Missiology

A chunga zir tûr course-te zir duh tân ATC office hun chhûngin dilna form leh prospectus a lâk chhuah theih a, dilna form man - B.D. ` 100, M.Th. ` 150, D.Th. ` 200 a ni. Dilna form dah khah chu 19.12.2014 thleng Academic Office ah a theh luh theih (late fee ` 50 chawin 9.1.2015 thleng a theh luh theih bawk).

External Courses

Bachelor of Christian Studies (BCS) B.A. leh a chung lam degree nei emaw, B.Th./Dip. C.S. emaw, Senate pawm theih rawngbâwlna kum 25 lo thawk tawh te emaw, Senate of Serampore College Mature Candidate exam passed emaw te tân.

- Diploma in Christian Studies (Dip. C.S.): Kum 18 chung lam, Class XII passed

(Hêngte hi chu interview a ngai lo) ATC-ah office hun chhûngin Registratin tih theih a ni.

Note: Allahabad Bible Seminary-ah Hindi B.Th. & B.D. zir duh tân ATC kal tlangin a dil theih bawk. Hemi zir duhte chu January 23-ah Board (TEB) hmaah interview tûr a ni.

Entrance and Interviews:

B.D. Entrance exam : February 11, 2015 dar 11:00 AM; Board interview : February 13, 2015 dar 11:00 AM

M.Th. Entrance exam : January 21, 2015 dar 11:00 AM; Dept. interview : January 22, 2015 dar 11:00 AM

Board interview : January 23, 2015 dar 11:00 AM

D.Th. Departmental interview : 18.3.2015 dar 01:00 PM; Board interview : 20.3.2015 dar 01:00 PM

Hriat chian duh neite chuan Office hun chhûngin 03892361139/03892361664-ah zawh fiah theih a ni e.

Sd/-

Rev. Prof. Vanlalchuanawma
Principal

SYNOD COMMITTEE/BOARD MEETING

Nikum Synod Inkhâwmpuiin a lo ruahman lâwk angin October 20 a langa November 5, 2014 chhûng khân Synod hnuaiia Committee/Board hrang hrang an \hu hlawm a, Mizoram chhûng leh ram pâwn Presbytery te a langa Presbytery aiawha tel te pawh an lo kal \ha hle. He thu buatsaih lai hian 2014 Synod Inkhâwmpui hmaa Committee \hu tûr - SEC leh Finance Committee an la awm. Hêngah hian Synod Puipate an tel vek zêl a,

Synod Executive Secretary ten anmahni enkawl Department/Board Committee an ho zêl bawk.

Board/Committee hrang hrang \hute hian kum thar atâna an hma lâkna tûrte an rêl a, chûng atân chuan sum hmuh leh hman tûr ruahman an thlîr a, Finance Committee-a thlen tûrin an pawm \hin. Synod Inkhâwmpuia report tûr, office lamin Department Rawngbâwlna Report an buatsaihte thlîr lâwkin Synod-a thlen tûrin an pawm bawk.

www.mizoramynod.org